



PAMFLET
1492






1595.
IVSTI LIPSII
EPISTOLA,
quâ

respondet cuidam viro Principi deliberanti BELLVM-
ne an P A X an potius I N D V C I A E expediant
Regi Hispaniarum cum Gallo, An-
gla, Batavo.

*Scripta III. Januarij, M. D. XCV.
Nunc primum edita.*



ANNO CIO 13 C VIII.



1492

Cicero de Senectute.

Ad App. Claudij senectutem accedebat etiam, ut cæcus esset: tamen is, cùm sententia Senatus inclinaret ad Pacem, et fœdus faciendum cum Pyrrho, non dubitavit dicere illa, quæ versibus persecutus est Ennius:

*Quo vobis mentes, rectæ quæ stare solebant
Antehac, dementi sese flexere ruinâ?*

Ceteraq; gravissimè: notum enim vobis carmen est.

Aurelius Victor de viris illustribus.

Cùm de pace Pyrrhi ageretur, & gratia potentum per legatum Cineam pretio quæreretur: Senex & Cæcus lecticâ in Senatum latus, turpissimas condiciones magnificâ oratione discussit.

Vir Nobilissime.

VT literas tuas manu mea posui, calamum in eam inferui ad respondendū. An non lubens & subito facerem, quod amicus volebat? vir è Principibus petebat? patriæ utilitatē tangeret? Ego verò lubens atque etiam calidè; etsi hæc aura à tenui præsertim meo corpore calorem omnem arcet. Sed animus erectus & alacer is est, qui hæc & alia vincit. De re igitur audi. Deliberatur, bellum an pax cum hoste placeat, & dicam distinctè sententiā meam. Hostis nobis triplex, ut nunc est status rerum; Gallus, Angla, Batavus. Duo illi externi, hic tertius internus, & rebellis potius quàm hostis. Si igitur de prioribus quæritur, à Regis hoc consilijs totum & opibus pendet, bellum an pacem cum ijs velit, & utrum pro re conducatur. Si metus ab illo barbaro & communi hoste Austriacis non esset, ego putarē Regem tractu omnes istos posse frangere, si tantum bellum ex fide & disciplina aliqua geratur. Fidem dico in pecuniarum administratione & munerum, ut illa non dissipetur, ut hæc idoneis & dignis dentur: Nam de fide in ipsum Regem, vix puto ambigendum aut quærendum. Addidi disciplinam, quoniam revera sine ea (fiant & dicantur omnia) bellum nullum feliciter satis & fortiter geretur. O militem bonum ad manum, & minores duces! sed opus est isto legum & severitatis quodam vinculo, quod constringat, & vires & viros istos utiles Reipublicæ reddat, diffluunt alioquin per lasciviam,

IUSTI LIPSII

viam, per libidinem, per ferociam: nec aliud in ista militari turba, quàm rapinæ aut seditiones. Tu & prudentes nostis, me vera dicere; & fons malorum nostrorum est iste. Si hostis progressus fecerit, à regressu nostro est; atque is vitia nostra virtutem suam interpretatur, & superbè ac stolidè in iis se jactat. Sed ut diffundar, & collectè sententiam peragam; quoniam bellum grande ac metuumdum Europæ instare à Christiani nominis hoste videtur, Rex & consilium ejus vidento; an non melius cum externis illis hostibus, aut certè alterutro eorum, pacisci. Si cum utroque, Batavi ponent animos, & aut sponte aut vi venient sub leges: si cum altero, etiam idem fiet. Volo dictum cum altera, id est, Angla. Illa in manu oppida duo Zelandiæ & Hollandiæ habet, aditus haud dubiè & claustra maris & terræ. Non nimis à pace abhorrere eam, ego arbitror; quia mulier est; quia ærarium jam tenuè; (non eæ opes quæ putantur) quia populo invito bellum est, qui commercia & libertatem mallet. Quod perseverat, magis a metu, quàm ab odio est. Et audi verum verbum: magnitudo nostri Regis, virtus aut fortuna Hispaniarum intra sexaginta annos formidabilis facta est finitimis & longinquis. Metum hunc adimere, ambitionem non præferre, è re sit inprimis: & facta sanè, non verba, impetum augent. De Gallo pariter sentio, id est, eum occultè & tacitè omnino velle pacem. Novellum ejus regnum, status vacillans, dissidium aut suspicio inter viros Principes; ea omnia quietem suadent. Et addo viscera ipsa, ut sic dicam,

cam,

EPISTOLA.

cam, ærarij evulsa. Nisi exteri palam & occultè sustentent, ac focillent, jam defecisset. Sed cum isto an Rex noster pacem velit, haud equidem scio; penetrare in consilia illa intima nolo: potest tamen inducias salva omni spe sua & destinatione. Quid enim ibi in longum firmi? ne successor quidem satis certus quorundam judicijs, & in corpore illo semel moto, vereor, ut alij alijque morbi, nisi magna quidem Regis aut felicitas aut prudentia evincat. Sed definiendo; cum Angla pax opportunissimè fiat: Gallus seponatur, qui, nisi lacepsitus, non laceffet. Batavi in manus veniant, de quibus propriè puto terrogare. Quid ergo? cum iis bellum hæcenus infelix, nec nunc felicius sperandum, nisi in tota facie rei aliquid mutetur. Loca valida omnia habent, loca sibi oportuna, militem exercitatum & satis bonum, victorijs animosum, ordinem aliquem in ærario & tota gubernatione, quãdiu bellum & metus est, haud facile solvendum: ut ista remittantur, & amittantur, pax aliqua sit & quies, quæ nunquã in talibus bellis inita sine bono aperto Regis. Majestas illa nominis et occultum in animis vinculum illos trahit aut potius retrahit, qui malè abierunt: et quidam gaudent datum honestum sic regressum. Centeni aliquot homines aut milleni ad religionem et regem ultrò redibunt, si occasio redeundi suggeratur: hæc præsidia hostibus detrahimus; & amplius in plebeia aut plurium illa gubernatione, occasiones inter ipsos dissidijs damus. Mihi crede, habent odia, factiones, & sua vulnera; sed occuluntur ea omnia impendente magno illo metu,

IVSTI LIPSII

v metu, qui æqualiter tangit omnes. Remitte paululum, ad
 ti ingenia & vitia sua redibunt ; ut boves instante Lupo
 ff coeunt, capita & cornua jungunt; abeunte, quisq. sibi pa-
 S scit. Sic Batavi nostri, quos ambitio fortasse valdè nō tan-
 is git, magis avaritia & amor quæstus. Vbi hoc postremum:
 a an non regibus semper occasio ad se trahendi? aureo isto
 f hamo piscandi? Intelligūt peritiores. Sed vt fiat vtiliter, qui-
 e ete aliqua opus est, & occasiones ea dabit. In ista, inquam,
 t ferè omnes consentimus. sed alij diuturnam eam volunt,
 e id est, pacem: alij temporaneam, id est, inducias. Tu utrā?
 ! audi. Pacem ex animo velim, & ponam ante omnia hu-
 humana bona: religioni & regi pulcerrima sit, patrie necessa-
 ria, bonis & mediocriter bonis optatissima. Sed quid est?
 velim & optem, vereor, quod non fiet. Ego bonam hone-
 stamque pacem hac scena rerum fieri posse, in animum
 non induco. Causæ: Aut inclinatio hostium, aut à nobis
 metus eò ducat. Neutrum est. Et vide, an inclinatio: mini-
 mē. Sunt in florenti sua re publicè & privatim; qui guber-
 nant, Crassi omnes sunt & parvi Cræsi. Vis eos optimam
 fortunam cum dubia cōmutare? At metuunt fortasse. Vti-
 nam nostra sic essent. Debebant profecto, à potentissimo
 Rege, a legitimo suo Rege; ut id quoque addam, sicut olim
 à dominis suis fugitivi. Sed reverentia, vetustate et pertina-
 cia rebellionis, jam excussa, et metu, ignavia (liceat liberè
 hoc dicere) aut pravitate nostra [quis ordo? quis miles?
 quæ consilia?] cur metuant? nisi occulta quædam sint, et
 tegantur, quæ me fugiunt. Omnia sunt talia, quæ ad per-
 seve-

EPISTOLA.

severandum eos hortentur, non resipiscendum. Addo fœdera cum vicinis, cum quibusdam etiam Germanis clam aut palam icta: navigationes novas speratas, imò tentatas: quæ etsi infida omnia & vana quidem sunt, tamen plebeios illos animos inflant, & auram inspirare modestiæ non patiuntur & bonæ mentis. Ergo de pace vix est ut sperem, nisi tali, quæ disiungat a Rege, quæ licentiores & illos et nos faciat; quò scio quosdam spectare. De religione consultò omitto; & Theologis permitto; etsi rationē ejus inter prima habendam, sapientes omnes sciunt. Magis itaque ad inducias inclinē: Primùm, quia hostis facilius audiet, nec multæ hic tricæ in cōditionibus ac pactis; res manent utrimque imminutæ. Deinde, quia autoritate Principum Germaniæ tale aliquid honestissimè impetretur, et sine ignominia Regis. Tertiò, quia leges nullæ duræ nobis imponuntur, quas ægrè aut turpiter postea solvamus. Quartò, quia commoda similia, quæ ex pace sequuntur; nempe cōmunicatio inter nos et conjunctio, partium reditio sub diplomate regio et fide, remissio hostiū, et omnia minus intenta. Denique fatū, et Deus, et evētus aliquis pro Rege. Vis exemplum illustre in hāc rem et consimile? Sexti Pompeij bella Sicula cum Octaviano Cæsare legisti? Siciliam et Sardiniam habebat, locis se tenebat, et tuebatur, famemque et inopiam Italiæ importabat. Vincinumquā potuit, nisi brevi pace. Ea pacta cum illo est, exules recepti, et vires abductæ, corruptus occultè ejus miles. Quid dicam? Terribilis ille et paulo ante Neptunus, vix una

una

IVSTI LIPSII EPISTOLA

una navi effugit, cervices gladio præbuit, et intra annū extinctum totum bellum. Vetus hoc est; fiet novum, si eadē adhibentur, & inprimis si consilio & intentione rem administramus. Acribus consilijs opus est, ijsque fidis, occultis. Quod si non aliud etiam ex his inducijs, quam respiratio aliqua & quies, pro re nostra multum sit; & egemus. Rempublicam aut disciplinam militarem emendare si volumus (debemus, si regere Regem volumus) non fiet aptè aut citò per arma. Licentia nimis invaluit, corruptio, & mala, quæ optimis potentissimisque rebus & regibus sunt perdendis. Huc ut nostri eant, ex animo voveo, quæ fulcra & fundamenta sunt omnis status. Habes uno calore & renore scripta, quæ mihi sunt visa; quæ preme aut communicabis, quædam aut omnia, ut tibi erit visum. Epistola enim tua est: utere, sed non abutere; & si pro amicitia hoc quoque potes. Non enim nisi verba sunt: si aliqua incauta, exculet amor in patriam, et libertas, quæ consulenti semper data est. Lovanij, III. Nonas Ianuarij, CIO. 10. XCV.



ex-
adē
ad-
cul-
pi-
us.
vo-
ptē
&
int
era
te-
u-
ola
oc
u-
nti
o.